

三經同卷

法輪經  
法輪妙經

入定經

字九

三經同卷

字九

太上洞玄靈寶真一勸誡法輪妙經

太上玄一真人說妙通轉神入定經

太上玄一真人說勸誡法輪妙經

太上洞玄靈寶真一勸誡法輪妙經

太上高玄太極三宮法師玄一真人說太上

洞玄靈寶真一勸誡法輪妙經舊文藏於太

上六合玄臺典經皆龍華玉女金晨玉童散

華燒香侍衛靈文依科四萬劫一傳太上有

命使付太極左仙公也

太極左仙公於天台山靜齋拔罪燒香懺謝  
思真念道一百日中神明髣髴於空玄之上  
雲景煒燦若存若亡或分或集曲映齋堂仙  
公自覺苦徹遐感天真於是研思玄業志勵

字九

殊勤齋未一年遂致感通上聖垂降曲盼幽  
房以元正之月庚寅日夜忽有飛雲丹霄八  
景玉輿寶蓋洞曜流煥太無燒香散華浮空  
而來千乘萬騎天真煒燦不可稱焉龍飛鸞  
鳴鳳翔翩翩獅子白鶴嘯歌邕邕仙童玉女



各數千萬人手把命魔之節十絕華旛結馬  
驎騎翁鬱靈軒一時之頃天真並下第一自  
稱太上玄一第一真人鬱羅翹第二自稱太  
上玄一第二真人光妙音第三自稱太上玄  
一第三真人真定光二真並集皆項有圓光

映照十方悉各坐金牀錦席左右侍官皆把  
華旛燔百和名香擎立空青之案八色之巾  
請真一勸戒法輪妙經飛文錦帳七寶纓絡  
玄覆經上靈真煒燁於絕空之中於是仙公  
稽首作禮天尊妙重未敢自陳唯心歡神暢

伏聽戒言

太上玄一真人鬱羅翹告太極左仙公曰子  
積劫念行損身救物開度有生惠逮草木託  
身林阜守情忍色恭禮師宗存弗厭極苦志  
篤厲乃有至德致紫蘭臺金闕上清宮有瓊

字九

文紫字功德巍巍行合上仙太上命太極真  
人徐來勒保汝爲三洞大法師今復命我來  
爲子作第一度師子可復坐我當告子開度  
法輪勸戒要訣使子知有宿命先身罪福致  
今之報於是說之子將無欲聞之乎能奉之



者便當靜聽

太上玄一第二真人光妙音告左仙公曰子  
轉輪生死與善結緣歷劫積稔代代不休棄  
榮委祿投身幽阜饑寒嶮嶮念道不言欽仰  
師寶恒如對神仁和心柔坐起欣欣長齋苦  
思時不虧間精感遐徹故名標上清太上命  
我爲子第二度師當具告子三塗五苦生死  
命根勸戒要訣使子知魂神苦痛所從而來  
欲聞之不乎吾當爲子說之子當奉之焉  
太上玄一第三真人真定光告左仙公曰子

七世有惠割口救窮仁及鳥獸福流後代潤  
灑子身子又積勤躬奉師寶寒不思裘饑不  
爽口艱苦林岫注心不替紫藏納真項生竒  
光致高上曲降錫加仙卿以酬昔德豈不巍  
巍乎太上今命我爲子第三度師今當告子  
無且里妙通轉神入定勸戒要訣子欲宗之不  
乎吾當說之子閉口修之焉

字九

三

太上玄一真人曰夫天地建立元始分判陰  
陽開化五行列位無上無下無天無地無大  
無小無色之內無形之外皆稟受空洞以氣



爲宗宗生於始始生於元元生於玄三生萬  
物莫不相承網維八極致天地長存衆真高  
仙十方已得道四方無極世界塵沙而來真  
人從無數劫來莫不有師皆從師奉受上清  
三洞寶經而得爲高仙上聖十方導師也師  
者寶也爲學無師道則不成非師不行非師  
不生非師不度非師不仙故師我父也子不  
愛師道則不降魔壞爾身八景龍輿焉可得  
馭太極玉闕焉可得登儒教則有三墳五典  
八索九丘皆以師訓文學之士尚復承師以



致明達况子今學上清之道希求昇騰未享  
無量之福乎慢師行道求肉飛之舉謂投之  
夜光失爾一往也但子積劫勤尚展轉不倦  
功滿德就瓊文紫字列於玄臺位登太極仙  
公之任而三師不備勸戒未充於格未得便  
登太極之宮也太上以子宿勲高重故命我  
等為子三師度子要訣以成子道使子速得  
飛騰三界遊乎上清身詣金闕受號仙公也  
仙公唯唯伏受誨命惟願天尊哀而矜愍今  
為說之即奉之焉

太上玄一真人曰太上真一勸誡法輪妙經  
九天有命皆四萬劫一出太上虛皇昔傳太  
上大道君道君傳太微天帝君天帝君傳後  
聖金闕上帝君令付仙卿仙公仙王已成真  
人不傳中仙及五嶽諸仙人也自無玄名帝

字九

四

圖錄字三清太極玉文自非仙公之質不得  
參聞此經高妙太上所重藏之六合紫房之  
內仙童仙女恒寶祕侍真有盼其篇目慶延  
七祖死魂生天福覆一宗門戶隆盛世出賢  
明修之致雲輿龍駕白日飛行輕泄漏慢謗



毀聖文考罰爾身罪福報對明慎之焉

太上玄一真人告仙公曰吾昔受太上無極  
大道君真一勸戒法輪妙經修行奉師一日  
六時燒香朝禮旋行皆先朝我師心存目想  
見師如經我無有師經則不見既得見經師  
便在前抱饑忍渴隨師東西我受師訓切勵  
備經痛如刀割尅如毒錐俛仰伏事恒不敢  
虧痛不敢辭毒不敢言如此經歷四億萬年  
真道得成位登太上玄一真人今復被師命  
爲子作三度法師子能如我不若能如我者

我當爲子說經仙公稽首禮謝上告

太上玄一真人三度法師曰弟子有幸得仰  
對天顏加以師訓復教以要言無量之分豈  
微言所陳自顧稟植因緣得生法門少好上  
道仰希神仙長齋幽阜心想上聖不悟天尊

字九

五

窺眄幽谷降教真道自惟闇昧愧所不勝然  
推前自期誓心三光躬宗師訓不敢有虧彌  
綸萬劫情無退轉尊奉法教唯師是從永願  
哀愍覺所未悟啓訓幽深說法演誠以見拔  
贖伏聽命旨誓奉之焉



太上洞玄靈寶真一勸誡法輪妙經

太上洞玄靈寶真一勸誡法輪妙經

終

太上玄一真人說妙通轉神入定經

道言夫輪轉不滅得還生人中才智明達心  
和情柔篤好三寶志慕神仙當思念善功廣  
建福田功滿德備施行妙通轉神入定以成  
至真道行不備仙亦不成自從無數劫來積



學已成真人高仙自然十方道者莫不從業  
行所致制心定志坐念思微舉動行止念作  
轉神以得高仙也其思甚微其念甚廣弘普  
無重行備入定尅得神仙也子當勤行必合  
道心也

道言若學神仙思念無量普得長生身與我  
神入定妙通

若奉師宗思念無量普得訓厲身與我神同  
受制度

得升仙  
若見講說  
思念無量  
普得瞻聽  
身與我神  
了

若見講說  
思念無量  
普得瞻聽  
身與我神  
了

解玄義

若見齋誠  
思念無量  
普得入法  
身與我神  
內

外清肅

若見行香  
字九思念無量  
普入芳盛  
六身與我神  
不

履穢塵

若見三光  
思念無量  
晦冥普消  
身與我神  
長

處光明

若見行雲  
思念無量  
普得陰覆  
身與我神  
同



入雲輪

若見雨注思念無量普得灑潤身與我神得

天廡澤

若見素雪思念無量普居潔白身與我神凝

炁成真

若見霜露思念無量保貞不落身與我神無

不制伏

若見淨水思念無量普得沐浴身與我神洗

垢除穢

若見大江思念無量普注淵澤身與我神無

不包容

若見大山思念無量普得障馮一身與我神棲  
託巖穴

若見樹木思念無量普無凋悴身與我神鬱  
成茂林

字九

若見種植思念無量普得滋長身與我神與  
日成生

若見果林思念無量普得成就身與我神結

實生根

若見飛鳥思念無量普得空行身與我神時



生羽翮

若見禽獸思念無量不生害心身與我神隱

學幽林

若見宮闕思念無量普得瞻仰身與我神轉

輪國王

若見城社思念無量普得入朝身與我神修

整嚴飭

若見臺觀思念無量普瞻八極身與我神洞

見幽微

若見靈壇思念無量普履法門身與我神得

道無爲

若見童子思念無量普得出身身與我神同  
得道真

若見道士思念無量普棄榮累身與我神早  
得飛仙

若見賢人思念無量普推貞義身與我神教  
化齊同

若見聖人思念無量普得其道身與我神通  
真達靈

若見盛年思念無量普不衰老身與我神長



保劫年

若見美女思念無量轉身為男身與我神守

貞入真

若見妓樂思念無量普無哀憂身與我神靜

嘿宮商

字九

若見王子思念無量普得從容身與我神輪

轉王家

若見富貴思念無量普得溫足身與我神博

散功德

若見貧兒思念無量普離窮厄身與我神轉

入權泰

若見廚食思念無量普得飽足身與我神口

無爽味

若見平地思念無量普得安立身與我神種

植並生

若見屋舍思念無量普得廕覆身與我神宮

宅整肅

若見暮卧思念無量普得安寧身與我神同

靜虛空

若朝起居思念無量普得曉明身與我神同



光太陽

若冠衣裳思念無量普得嚴飾身與我神同

生羽服

若著巾帽思念無量普得冠冕身與我神同

戴華蓋

字九

若著屐履思念無量普得乘鳳身九與我神足

躡紫雲

若見乘船思念無量普得濟度身與我神不

拘橋梁

若見乘車思念無量普不步行身與我神同

策飛軒

若見乘馬思念無量普得飛步身與我神乘

雲駕龍

若見太清思念無量普蒙虛泊身與我神飛  
升金闕

四十五念功齊天地數法自然福覆無量轉  
神入妙通微究玄同體道真思念既定則坐  
降雲龍八景玉輿飛昇上清宮也

無量妙通思念轉神偈頌曰

妙通轉我神

弘普無量功

道成天地劫



輪化發九重

滅度更死生

緣對各有宗

孰悟去來因

形魂無始終

積慶藉福基

身拔五難峯

脫離三惡道

蕭蕭入閑空

念度無邊境

思定感神通

法輪三度場

轉成高仙公

迴我大椿步

飄升太極宮

道言無量妙通轉神入定經頌皆治道行思

念一言形與神同普入至真虛皇太上大道

君所受高上大聖十方至真已得仙道皆修

行此法以廣度無量其福弘普莫不加惠功

齊天地勲彰日月學無此法道行不足仙何

從成但太上所重不行於世世尠有其文脫  
有得者仙道自成也皆當齋金寶之信詣師  
請受道貴法重非信不行輕傳則爲非寶空  
修則爲賤道此皆有風刀之考明各慎之焉  
道言吾法輪妙經從無鞅數中來如洹沙之

字九

十

劫不足爲譬天地成敗非可稱數衆經盡消  
而吾經不滅隨運輸轉開化日隆廣度無極  
經中之尊猶如諸天開化無有是經其法不  
行如是一切開張法教此經最爲其元如是  
衆星普耀此經如月盛光最爲其明照耀十



方猶如三界晝冥不消是經如日之出普照  
諸天無不朗徹猶如萬川之流是經如湯谷  
之淵爲巨海之源無不歸宗猶如崑崙之高  
是經如玉京之山無不包藏此經微妙與天  
地長存諸天元王高仙上真無億數量莫不  
奉命此經如是普濟衆生學與不學教導三  
乘廣開法門上理三光中調陰陽下開萬生  
皆從受覆蔭拔度七祖開轉窮魂生死傷敗  
莫不成就輪轉不滅如船度人修行是經精  
心不倦立致龍駕白日飛行安居端坐存念

是經家門隆盛百福如山男女才智富貴日  
昌國主王侯供奉是經位至無極世出賢明  
女子閑寂思念是經得轉身為男若在晝冥  
之中思念是經即得披散朗覩八清若獨宿  
恐怖思念是經妖魅消亡如萬人同室若在

字九

十一

窮山毒獸相逢思念是經獸自潛退不傷爾  
身若度大江遭風遇浪思念是經河海靜波  
蛟龍出迎若入火中思念是經身不被燒火  
自滅光若入時病萬鬼之中思念是經鬼消  
毒滅病者自康若抱厄疾思念是經災厄即



脫永保長生若在窮乏絕糧之地思念是經  
咽炁服御便得飽滿若在囹圄幽閉重檻思  
念是經罪閉釋散不充罰刑若逢宰官吏司  
所錄思念是經結縛即解吏皆懽然若有冤  
家思念是經心懽意解反成至親若逢寇賊  
白刃之中思念是經賊自却退刃不加身斯  
經並爲三界護度衆生危厄之難度脫三塗  
離免八難五苦之中皆所不經廣覆無外福  
量難稱有宗是經可謂無量之門也  
太上玄一真人告仙公曰吾受

太上命使授子勸誠妙經演法說教事妙極  
此其文祕於太上紫微宮中自非仙公之任  
其文弗可得見今說其誠以成子仙子宜寶  
祕勤行道成當更迎子於太極宮也仙公稽  
首受誠奉辭而去

太上玄一真人說妙通轉神入定經 終



太上玄一真人說勸誡法輪妙經

道言夫輪轉福慶不滅生而好學宗奉師寶  
與道結緣世世不絕皆由先身積行所致如  
此法輪上士勤尚廣開法門先入後身救度  
國王損口拯乏裸形衣寒仁及鳥獸惠逮有

字九

十二

生恭師奉法恒如對神長齋苦思精研洞玄  
吐納炁液心灰意勤割棄色累萬想都泯情  
和炁柔入神並歡如此之行一滅一生志不  
退轉尅成上仙三師備足身登太極位加仙  
卿中士篤好志慕在玄開度一切度厄解患

施功布德建立福田君親忠孝柔智懷仁願  
樂三寶晨夕修研虛心有道口味靈篇燒香  
散華洞入道門餐不念飽衣不嫌寒苦不為  
倦樂不為懽勞不急懈困而殊勤衆行並備  
三滅三生意志審固尅得飛行上遊太清補  
九宮真人下士修身斷情忍色服御養神遠  
棄榮麗棲憩幽林愛山樂水耽翫靜真淡泊  
守固絕穀休糧長齋念道過中不味端坐則  
與師寶相對出入則與鳥獸為羣孤旅巖穴  
獨景空山思不慕歸悲不悼形契闊林澗切



栢擬餐面有餓容心如懷丹艱苦備嬰恒有  
和顏見試不恐心靜神安如此之行上感虛  
皇九滅九生志願不退執固殊堅尅能變化  
乘空飛行遊宴五嶽逍遙太無從此而進位  
至高仙凡學得道如此自然十方上真衆仙

字九

十三

已得正道四方無極世界塵沙而來真人從  
無數劫皆受太上靈寶洞玄真一勸誡法輪  
妙經輪轉因緣皆藉先世之功以得今日之  
道莫不由其前行積善所致此法玄奧非愚  
情淺智所可明了唯得道之人體真入妙乃

悟生死不滅功過相藉如經之行已得成至  
真矣不由其前所積善故能出此世與非世

道言夫受滅度因緣不絕得生人道聲色端  
偉相好具足才智明達解了玄義或生貴門  
王侯之家或爲人尊四海所崇男爲國主女  
爲妃后世生貴子代代不休或生於富室財  
寶充足凡百施爲無所饑乏如此之德皆由  
其前身行業積善願念所致或處在窮厄不  
泰之地艱辛憂惱愁苦難忍乃發願慈心思  
念作善竭力建功施種福田割已救物損身



度人忍饑守廉不敢怨天心不念殺口無惡  
言敬愛道士唯善而行功滿德備一滅一生  
其福無量得如今之報若能又於今生抗志  
易韻棄祿學道宗師受經長齋念真不妬不  
害緘口慎言愛師重寶存詠不忘當藉先世  
之基二滅二生便得神仙三官九府記人功  
過毫末必載萬無差失其願既定志亦難奪  
故倚伏難窮所謂法輪之門  
道言諸道士及百姓子男女人或生而好道  
奉師受經於家修奉施安高座朝夕朝禮齋

直燒香無有懈怠愛好三寶恒如饑渴廢家  
翫樂不務生業不始不害不淫不殺守情忍  
色所營在法如此之行皆由其前身供養道  
士勸助師宗奉香然燈建立福田損身施惠  
救厄卹貧功滿德普一滅一生得如今之業

字九

十四

從此不退便坐致神仙縱道業未備運應更  
輪尅得尸解會成真人也

道言吾歷觀諸天從無數劫來見諸道士百  
姓子男女人已得無上正真之道高仙真人  
自然十方諸聖皆受前生勤苦求道不可稱



計投身棄命無有限量廣建功德發大乘之  
心長齋苦行市諸香油然十燈百燈千燈無  
量之數光映十方照耀諸天晝冥普消金寶  
珍貨以散道路供給窮乏損身割已奉師效  
心無憍惜心念前生不得如今當盡心開度  
衆生預是鳥獸莫不歸仁於是惠澤流溢功  
感諸天身得金剛七十二相項負圓明洞映  
太空位登高仙此福巍巍難可稱述如此之  
比有無鞅之數皆積行所得非唯一生學而  
成也來生爲學入吾法門當瞻之先世以期

神仙功滿德普冠入自然至真之場也今說  
法輪偈頌三篇

無上八門開度法輪偈頌曰

吾開八門 中有玉城 七寶瓊林 無根而生

金條穿互 蔭映上清 開度法輪 通真達靈

字九

十五

上無不照 下無不明 見有道士 晨夕誦經

長齋幽阜 不倦晝冥 切栢中餐 素水兼濡

躬師受法 時刻不傾 單景巖穴 獨宿孤征

與鹿為羣 倚林棲形 窮獸對蹲 飛鳥哀鳴

風雲淒切 萬枯沉零 凝冰填澗 素雲翳庭



寒癘切肌 執志殊精 契闊林岫 艱苦備嬰  
勞不敢倦 極不敢寧 展轉求道 遂感皇情  
丹書綠字 列圖玄名 神仙羽服 錦羣飛青  
鬱然而降 煥落火鈴 流霞丹輿 三素飛軒  
入我八門 乃知死生 皆由積行 苦哉有情  
此一偈出太上玄臺高上老子歷觀八極謂  
之八門而誦此篇也

轉輪滅度行業偈頌曰

法輪開滅度 死生從願迴 積基有明報  
禍福更相催 世眼求前生 達士希後歸

前生功未滿 故致福報遲 藉先勸來行

功備形自飛 前世十方仙 歷劫乃入微

吾觀至學士 乃不領人懷 勤行奉師寶

師祐福巍巍 輕師失吾寶 先功永無施

功成或爾真 三師度玄扉 若能體道真

法輪洞自開 莫見此寂寂 幽冥中甚微

此一篇出虛皇無上道君開無無中而觀來

生歷頌此篇以勸誠入無也

轉輪命根未盡偈頌曰

轉輪空洞魂 滅度更死生 罪福各有對



吉凶無偏嬰

得道行所致

緣爾先身精

行惡招斯酷

流曳五苦庭

天地雖悠悠

玄鑒理甚明

吾歷觀汝輩

從師受吾經

得經叛汝師

始嫉爭功名

輒軻不自咎

緣路吐怨聲

致使六部司

執筆糾爾刑

字九

十六

命滅負刀山

苦惱身是嬰

往反三塗中

豈覺形與名

化為六畜羣

望反其冥冥

法輪有常運

去留無稽停

哀此禍福元

受報不賈生

念汝不知命

發頌傷我情

此一篇出虛無

正真皇上丈人

歷觀來生行

業行罪有負逆之對勸誠入真行大慈之心  
頌此篇令知宿命之根也

太上玄一真人曰吾昔受無極太上大道君  
無上八門開度法輪勸誠經頌修行道成位  
加真人此文與元始同生包含天地億劫長  
存廣度一切為諸津梁輪轉勸誠以教導三  
乘廣覆無外開死度生其福無量諸天所宗  
學者所憑也其文妙重皆授宿有玄名帝圖  
錄字三清應為仙公之人自非其質不得妄  
宣見其篇句皆由宿福積行所鍾能盡心供



養依法修行宿根自滅與善結緣世享福慶  
家門興隆身受開度永得入無爲之場尅成  
真人也輕傳漏慢考滅爾身

太上玄一真人說勸誡法輪妙經

終



字九

上

